

REGLUGERÐ

um (2.) breytingu á reglugerð nr. 200/2020, um innflutning hunda og katta.

1. gr.

1. málsl. 3. mgr. 5. gr. reglugerðarinnar orðast svo:
Vottorðið skal vera rétt útfyllt og gefið út af dýralækni með starfsleyfi í útflutningslandinu.

2. gr.

Við i. lið c. liðar 8. tl. 12. gr. bætist við nýr málslíður:
Hafi langvarandi lyf verið notað í fyrri meðhöndlun gegn útvortis sníkjudýrum getur sú meðhöndlun einnig talist sem seinni meðhöndlun að því gefnu að verkun lyfsins sé enn í gildi á innflutningsdegi.

3. gr.

Eftirfarandi breytingar verða á f. lið 14. gr. reglugerðarinnar:

a. 1. tl. verður svohljóðandi:

Pit Bull Terrier/American Staffordshire Terrier/Staffordshire Bull Terrier/American Bulldog.

b. 5. tl. fellur brott.

c. Á eftir 4. tl. bætast við fimm nýir töluliðir sem verða svohljóðandi:

5. tl. Cane Corso.

6. tl. Presa Canario.

7. tl. Boerboel.

8. tl. Hunda sem hafa sambærilegan uppruna, líkamsbyggingu og/eða geðslag og tegundir í 1.-7. tl. samkvæmt mati Matvælastofnunar hverju sinni.

9. tl. Hunda sem eru taldir hættulegir að mati Matvælastofnunarhverju sinni. Taka skal mið af fyrirbyggjandi upplýsingum um viðkomandi hundategund, uppruna hennar og ræktunarmarkið, líkamsbyggingu og geðslag.

4. gr.

Reglugerð þessi er sett með stoð í lögum nr. 54/1990, um innflutning dýra, ásamt síðari breytingum, lögum nr. 66/1998, um dýralækna og heilbrigðisþjónustu við dýr, ásamt síðari breytingum, og lögum nr. 55/2013, um velferð dýra, með síðari breytingum, og öðlast þegar gildi.

Atvinnuvega- og nýsköpunarráðuneytinu, xx.yy 2021.

Kristján Þór Júlíusson
sjávarútvegs- og landbúnaðarráðherra

Kolbeinn Árnason.